

ჩუმი გიმნაზია



სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №3 მარტი 2015 წ.

გაზეთი გაშვებულია გიმნაზიის ღირსმამად მთავარეპისკოპოს იმეზუდელის ღირსპა-ტროსხებით.

მართლმადიდებლობის ზეიმი



დღემარხვის პირველ კვირას ეკლესია აღნიშნავს „მართლმადიდებლობის ზეიმს“. ეს ტრადიცია დასაბამს იღებს IX საუკუნიდან. როგორც ცნობილია, მეშვიდე მსოფლიო კრებამ (787წ.) დაამტკიცა ხატებისა და სხვა საეკლესიო სიწმინდეების თაყვანისცემის ჭეშმარიტება. თუმცადა მწვალებლობა ამ კრების შემდეგაც არ ჩამქრალა და აგრძელებდა ბრძოლას საღმრთო სწავლების წინააღმდეგ. დღეოფალმა თეოდორამ ხატმძილი მეუღლის, იმპერატორ თეოფილეს გარდაცვალების შემდეგ, 842 წლის 18 თებერვალს მოაწვევინა საეკლესიო კრება ხატთაყვანისცემის აღდგენისათვის. ამ კრებამ კიდევ ერთხელ დაამტკიცა მართლმადიდებლური სწავლება ხატთა თაყვანისცემის შესახებ.



მოვევარე ხელოსანი ფარულად განერიდა თანამგზავრებს. შემდგომში იგი პატივით ინახავდა წმიდა თავს, სიკვდილის წინ კი დას გადასცა. იმ დროიდან მოყოლებული სიწმინდე შემკვიდრებით გადაეცემოდა ღვთისმშობის ქრისტიანებს მანამ, სანამ მისი მფლობელი არ გახდა ერეტიკოსი მღვდელმთავარი ევსტათი. იგი პატიოსანი თავის სიწმინდის ძალით კურნავდა სნეულებს, აღსრულებულ სასწაულებს კი ერესის მაღლს მიაწერდა და აცდუნებდა გამოუცდელ სულს. როცა ევსტათის ბოროტმოქმედება გაცხადდა, ის იძულებული გახდა გაქცეულიყო, სიწმინდე კი ემეხის მახლობელ მღვიმეში დამალა. გამოქვაბულში დამკვიდრდნენ კეთილმსახური ბერები, შემდეგ კი აქ მონასტერიც დაარსდა. 452 წელს სავანის არქიმანდრიტ მარკელეს იოანე ნათლისმცემელმა თავისი წმიდა თავის ადგილსამყოფელი აუწვა. ეს მოვლენა სიწმინდის მეორედ პოვნის სახელით იდღესასწაულება. ნათლისმცემლის პატიოსანი თავი ჯერ ემესაში გადაასვენეს, შემდეგ კი — კონსტანტინეპოლში.

პირველად (IV) და მეორედ (452) პოვნა პატიოსნისა თავისა ზმიდისა დიდგულისა, წინამორბედისა და ნათლისმცემელისა იოანესი

წმიდა იოანე ნათლისმცემლის თავისკვეთის (ხს. 29 აგვისტოს) შემდეგ მისი სხეული მოწაფეებმა პატივით დაკრძალეს სამარიის ქალაქ სებასტიაში, წმიდა თავი კი უსჯულო პეროდადამ უპატიო ადგილას დაფლა. კეთილმსახურმა იოანემ, პეროდეს ეზოს მოძღვრის, ქოზას ცოლმა იოანეს თავი ფარულად ჩადო პატიოსან ჭურჭელში და ელეონის მთაზე მიაბარა მიწას. მრავალი წლის შემდეგ ეს ადგილ-მამული კეთილ-სამხური დიდებულის, ინოკენტის მფლობელობაში გადავიდა, რომელმაც აქ ტაძარი ააშენა. ტაძრის საძირკველის თხრის დროს აღმოჩენილი იქნა ჭურჭელი უფლის წინამორბედის თავით. ნაპოვნი სიწმინდის სიდიადე მასთან აღსრულებული სასწაულებით გაცხადდა. ეს იყო იოანე ნათლისმცემლის თავის პირველი პოვნა. ინოკენტი კრძალვით ინახავდა მას, მაგრამ სიკვდილის წინ იმის შიშით, რომ სიწმინდე უსჯულოებს არ ჩავარდნოდათ ხელში, იმავე ადგილას ჩაფლა, საიდანაც ამოიღო. შემდეგ ეს ადგილი თანდათან გაუდაბურდა.

მოციქულისწორი იმპერატორის, კონსტანტინე დიდის ზეობისას, ქრისტიანობის აყვავების ხანაში, წმიდა ადგილების მოსალოცად ჩასულ ორ ბერს იერუსალიმში ორჯერ გამოეცხადა უფლის წინამორბედი და თავისი პატიოსანი თავის ადგილსამყოფელი ამცნო. ბერებმა ამოთხარეს სიწმინდე. აქლემის ტყავის ტომარაში ჩადეს და შინისაკენ გაბრუნდნენ. გზად მათ შეხვდათ უცნობი მექოთნე და ძეიფასი ტვირთი მას მისცეს სატარებლად. მექეცემ არ იცოდა, რა სიწმინდე მიჰქონდა, მაგრამ მას თავად ნათლისმცემელი გამოეხადა და უბრძანა, გაქცეოდა დაუღევარ და უღებ ბერებს და თან გაეყოლებინა ისიც, რაც ხელთ ეპყრა. ღვთის-

ჯვრის თავყვანისცემა

დღემარხვის მესამე კვირიაკეს ტაძრებში ჯვრის თაყვანისცემა აღინიშნება.

ტრადიციისამებრ, პატიოსანი და ცხოველიწყოფელი ჯვრის თაყვანისცემის დღეს, ვეაველებით შემკულ ჯვარს ტაძრებში შუა ადგილას დააბრძანებენ.


ღვთის განგებით, მაცხოვრის ჯვარცმიდან სამასი წლის შემდეგ ქრისტიანებმა მანამდე დაკარგული უდიდესი ქრისტიანული სიწმინდე — ცხოველიწყოფელი ჯვარი უფლისა ისევ მოიძიეს და მისი თაყვანისცემის შესაძლებლობა მიეცათ. ეს მოხდა 326 წელს მოციქულთასწორი იმპერატორის, კონსტანტინე დიდის (303-337) დროს.

14 მარტს სტეფანწმინდის მთავარანგელოზ მიქაელის სახელობის ეკლესიაში ჩატარებულ წირვა-ლოცვაზე სტეფანწმინდისა და ხევის მთავარეპისკოპოსმა იეგუდიელმა ქადაგებაში აღნიშნა, რომ ჯვრის თაყვანისცემა მართლმადიდებლურ ეკლესიაში დღემარხვის შუა მესამე კვირას აღინიშნება. იგი მორწმუნეებს უფლის ვნებებს ახსენებს და რწმენაში აძლიერებს. აღინიშნა, რომ მორწმუნეებს მთელი კვირის განმავლობაში შესაძლებლობა ექნებათ ეკლესიაში დღის განმავლობაში თაყვანი სცენ ეკლესიის შუაში დასვენებულ ჯვარს. მეუფემ დალოცა სრულიად საქართველო, სტეფანწმინდისა და ხევის ეპარქია და ისურვა, ჯვრის ძალამ ქვეყანა გაამთლიანოს.



გთხოვთ, გაუფრთხილდეთ გაზეთის გასვნი დაგმჭდილი ტიპსტის და ფოტოგასაყლის გამო.

12 (25 მარტი) — საქართველოს კლესიის ავტოკეფალიის აღდგენის დღე



1801 წელს იმპერატორმა ალექსანდრე I-მა ხელი მოაწერა მანიფესტს, რომლის მიხედვითაც საქართველოს სახელმწიფოებრიობამ არსებობა შეწყვიტა და ქრისტიანობის ბურჯი ქვეყანა ორი გუბერნიის სახით შეუერთდა რუსეთის იმპერიას. მალე გაიკვია, რომ რუსეთის მთავრობას განზრახული ჰქონდა საქართველოს ავტოკეფალიის გაუქმება და მისი რუსეთის სინოდისადმი დაქვემდებარება. ასეც მოხდა — პოლიტიკურ თავისუფლებადკარგულმა საქართველომ სულიერი დამოუკიდებლობაც დაკარგა.

XX საუკუნის დასაწყისში საქართველოს ეროვნულ-გამათავისუფლებელი მოძრაობის თავკაცებმა, ქართველ სამღვდლოებთან ერთად დაიწყეს ზრუნვა საქართველოს ეკლესიის ავტოკეფალიის აღდგენისათვის. ქართველი საზოგადოების მოწინავე ჯგუფმა, წმიდა ილია მართლის მეთაურობით, მეფისნაცვალ ვორონცოვ-დაშკოვს ოფიციალურ ღონეზე მოთხოვნა საქართველოს ეკლესიის ავტოკეფალიის საკითხის განხილვა.

1917 წლის 12 (25) მარტს, ქართველმა სამღვდლოებამ საგანგებო კრებაზე მიიღო ქართული ეკლესიის ავტოკეფალიის აღდგენის დოკუმენტი. იმავე წლის სექტემბერში, საქართველოს მართლმადიდებელმა ეკლესიამ, 106 წლიანი იძულებითი შუალედის შემდეგ კვლავ აირჩია კათალიკოს-პატრიარქი. ეს პატივი წილად ზედა ავტოკეფალიისათვის დაუცხრომელ მებრძოლს, კირიონს, რომელიც შემდგომ ვერაგულად მოკლეს მარტყოფის მონასტერში. მსოფლიოს საპატრიარქომ 1990 წელს უწმინდესისა და უნეტარესის საქართველოს პატრიარქის ილია II-ის ძალისხმევით ოფიციალურად ცნო და აღიარა საქართველოს ავტოკეფალურობა.

29 მარტი — ხსენება ზვილას ავბროსი ხელაიასი 1961-1927 წ.



ქართველი სასულიერო და საზოგადო მოღვაწე, მეცნიერი, სრულიად საქართველოს კათოლიკოს პატრიარქად 1921 წელს დაასხეს ხელი.

1921 წლის 25 თებერვალს საქართველოს კვლავ დაეღა მძიმე და სამარცხეინო მონობის უღელი. საბჭოთა ხელისუფლებამ ჩვენს სამშობლოში ფეხის შემოდგმის ღლიდან დაიწყო სარწმუნოების დევნა.

წმიდა ავბროსიც მალევე გახდა საბჭოთა რეპრესიების მსხვერპლი. ის დააპატიმრეს.

სასამართლო პროცესის ბოლოს მსჯავრდებულის საბოლოო სიტყვაში წმიდა ავბროსიმ

გააღიარა უთხრა: „სული ჩემი ეკეთენის ღმერთს, გული — საქართველოს, გვამს კი რაც გნებათ ის უყავით“.

1994 წელს საქართველოს ეკლესიის გაფართოებულ კრებაზე ერისა და ეკლესიის წინაშე დამსახურებისათვის იგი შერაცხილ იქნა წმინდანთა დასში ავბროსი აღმსარებლის სახელით.

გარდაცვლილის სულისათვის სიხარულია ის, რომ მისთვის კვირფასი აღამიანები აბრძოლებენ ღოცვას

ეკლესია გვასწავლის, რომ მიცვალებულს გარდაცვალების ღლიდანვე სჭირდება მზრუნველობა, რაც მისთვის დადგენილი წესების აღსრულებით უნდა გამოიხატოს. აღამიანს გარდაცვალების ღლიდან აღარ ძალუძს საკუთარ თავზე ზრუნვა და მთლიანად ახლობელს არის მინდობილი. მართალია, არც ერთი ჭირისუფალი არ ტოვებს გარდაცვლილს მზრუნველობის გარეშე, მაგრამ ეკლესიური ცხოვრების უგულებელყოფის შედეგად წლების განმავლობაში ჩვენში მრავალი ისეთი ჩვეულება დამკვიდრდა, რომლებიც ეწინააღმდეგება წმინდა ეკლესიის სწავლებას.

მხოლოდ სიმბოლური დატვირთვის მატარებელი წეს-ჩვეულებათა აღსრულებით გარდაცვლილის სულს ვერ შევწევით, მისთვის მთავარი სულიერი დატვირთვის მატარებელი წესების აღსრულებაა.

იმის გასარკვევად, რომელ წეს-ჩვეულებათა აღსრულება არის მართებული მიცვალებულთათვის და რომელი შეიძლება აღვასრულოთ, გვესაუბრება კობის დედათა მონასტრის წინამძღვარი, მღვდლმონაზონი ილარიონ ქიშმარი.

— მაშაო, ჩვენი თხოვნა იქნება გაგვესაუბროთ სიკვდილის თემასთან დაკავშირებით. ეს ის თემაა, რომელსაც გვერდს ვერავენ აუვლის, თუმცა ამ საკითხს სხვადასხვაგვარად განიხილავენ ერის აღამიანები. უკეთესი იქნება, თუ თქვენ ეკლესიის აზრს გავვიმზღვოთ და უკეთესად დავგანახებთ ამ ყველაფერს.

საქართველოს ყველა კუთხეში არსებობს წესი მიცვალებულთათვის საფლავში ტანსაცმლისა და სხვადასხვა ნივთების ჩატანებისა. როგორი დამოკიდებულება აქვს მართლმადიდებლურ ეკლესიას ამ ჩვეულების მიმართ?

— მართლმადიდებლური ეკლესია უარყოფითად არის განწყობილი ასეთ წეს-ჩვეულებებზე. მიცვალებულთათვის აუცილებელია გულის ჯვარი. არანაირად არ შეიძლება სხვა ნივთების ჩაყოფა.

— ჩვენი მიზნევერ, რომ გარდაცვლილის დაკრძალვამდე ჭირისუფალმა თავი უნდა ახელოს საოჯახო საქმეებს.

— ეკლესია არ უშლის ჭირისუფალს საოჯახო საქმეების მოგვარებას, მაგრამ ქართველი კაცის ბუნებიდან გამომდინარე, შიდა საოჯახო საქმეებს მეზობლები ინაწილებენ.

— მისაღება თუ არა პანაშვიდზე და დაკრძალვის დღეს სამგლოვიარო მუსიკის შესრულება?

— თუკი მიცვალებული აღმსარებლობით მართლმადიდებელია, პანაშვიდზე და დაკრძალვაზე მისაღება გალობა.

— უცილებელია თუ არა მიცვალებულის პირით აღმოსავლეთისაკენ დასვენება და რატომ?

— უფალი აძლავდა აღმოსავლეთით. უფლის მეორედ მოსვლაც მისი ღილებით და სუფევით იქნება აღმოსავლეთიდან. ამიტომ აუცილებელია მიცვალებულის დასვენება პირით აღმოსავლეთით.

— ვიცით, რომ გარდაცვლილის თავითი ანთებული კანდელისა და კელაბტრის დადგმა ქრისტიანული ადათია, მაგრამ რა დატვირთვა აქვს ამ წესს?

— აუცილებელია მიცვალებულის თავთან დაბრძანდეს მაცხოვრის ან ყოვლადწმიდა ღვთისმშობლის ხატი. აქედან გამომდინარე, ხატის წინ ინთება კანდელი ან სანთელი, რომელიც მარადიულ ნათელს ნიშნავს და ერთგვარი შესაწირიც არის.

— არსებობს წესიც მიცვალებულის დაკრძალვამდე მისთვის და მისთვისა.

— ჩვენი წინაპრები დღე-ღამის განმავლობაში მიცვალებულს უკითხავდნენ ფსალმუნებს და აქედან შემორჩენილია მიცვალებულისათვის ღამის გათენება.

— როდის უნდა მოხდეს წესის აგება?

— წესის აგება მიცვალებულისა ზდება ტაძარში დაკრძალვის დღეს. თუ ამის შესაძლებლობა არ არის, წესის აგება შეიძლება ადრეც.

— რატომ იკურთხება წესის აგების დროს მიწა?

— როდესაც მიცვალებული იკრძალება, მაშინ ზდება საფლავის კურთხევა, როდესაც ამის შესაძლებლობაა, ამიტომ იკურთხება მიწა წესის აგების დროს.

— რას გვეტყვით გარდაცვლილის სახელზე მომზადებულ ქელეხთან დაკავშირებით?

— მიცვალებულის სახელზე გაკეთებული ქელეხი ზომიერების ფარგლებში, მიცვალებულის სულზე გადებული მოწვევების ერთ-ერთი სახეა.

— ქრისტიანულია თუ არა წესი დაკრძალვის მესამე დღეს საფლავზე გასვლისა?

— ახალმესვენებულს ეკლესიაში უნდა გადავუხადოთ პანაშვიდი პირველ დღეს, როდესაც გარდაიცვლება, მესამე დღეს, როდესაც პირველად წარდგება უფალთან, მეცხრე დღეს, როდესაც მეორედ წარდგება უფალთან და მეორმოცე დღეს, როდესაც ის პირად სამსჯავროზეა, ამასთანავე, შეიძლება საფლავზე გასვლა და მისი მოვლა-პატრონობა.

— რატომ არის აუცილებელი ქრისტიანის საფლავზე ნაკურთხი ჯვრის აღმართვა?

— რომელი ქრისტიანის საფლავიც არ არის ნაკურთხი და არ არის აღმართული ჯვარი, ასეთ საფლავებს ბოროტი სულები ეპატრონებიან, ამიტომ აუცილებელია საფლავზე ნაკურთხი ჯვრის აღმართვა.

— რა დამოკიდებულება აქვს ეკლესიას საფლავზე საზრდელის გატანისა და სუფრის გაშლის მიმართ. ქრისტიანულია თუ არა მიცვალებულის სუფრებზე ცხვრის დაკვლის ტრადიცია, ზევში კი მით უმეტეს, შვიდი საკვლის დაკვლის ტრადიცია?

— სისხლით მსხვერპლშეწირვა მიცვალებულის სულისათვის ძველ აღთქმაში სრულდებოდა, ახალ აღთქმაში უფლის ჯვარცმით მოხდა აღამიანთა ცოდვების გამოსყიდვა. ამიტომ ახლადმესვენებული სულისათვის ტაძარში უსისხლო მსხვერპლშეწირვის, ანუ წირვების დაყენება აუცილებელია.



გილოცავთ! 3 მარტი — დედის დღე

ქართველებისათვის „დედა“ მარტო შობილი არ არის. ქართველი ღვიძლ ენასაც „დედაენას“ ეძახის, უფროს ქალაქს — „დედაქალაქს, მკვიდრს და დიდ ბოძს სახლისას „დედაბოძს“, უდიდესსა და უმაგრესს ბურჯს — „დედაბურჯს“, სამთავრო აზრს — „დედააზრს“, გუთნის გამგებელ მამაკაცსაც კი — „გუთნისდედას“. რამოდენად განდიდებულია მნიშვნელობა დედისა, რამოდენად გამრავალგვარებული, გაპატიოსნებული, გაძლიერებული, გაღონიერებული და თავმოსაწონიებული! სიდიადე, სიმაგრე და სიმკვიდრე კი აღნიშნულია დედებით! ამაზე მეტი პატივი რაღა უნდა მოუტანოს სახელმა?!

ილია ჭავჭავაძე

მარტის თვე მართლაც განსაკუთრებულია, მარტო ის რად ღირს, რომ მარტით გაზაფხული იწყება. სიცოცხლე იწყება და ქალიც ზომ სიცოცხლის საწყისია. ამიტომაც, რომ გაზაფხულის ამ მშვენიერ თვეს აღვნიშნავთ დედის დღეს.

ძვირფასო რაიონის ქალებო, წმინდა ილია მართლის სახელობის გიმნაზია გილოცავთ დედის დღეს, მუდამ სითბოსა და სიყვარულს ასხივებდეს თქვენი თვალები.



ჩემი პირველი მასწავლებელი

მასწავლებელი! — ამ სიტყვის გაგონებაზე არ შეიძლება რაღაც განსაკუთრებული გრძნობა არ დაძეფლოს, რაღაც მოწიწება და პატივისცემა არ ვიგრძნო.

მასწავლებელი ყველა ბავშვის აღმზრდელი და ამაღვრულოდ შობილიცაა. ის თავის აღსაზრდელებზე დედობრივი სიყვარულითა და სიბოთით ზრუნავს.

სწორედ ასეთ სიბოთისა და მზრუნველობას იჩენდა ჩვენს მიმართ ჩემი პირველი მასწავლებელი — ნინო ლუღუშაური.

კარგად მახსოვს, როდესაც პირველ კლასში შევედი, როგორ თბილად შეგვხვდა ჩვენი მასწავლებელი. თითოეულ ჩვენგანს მოგვყავდა და შეგვიძღვა საკლასო ოთახში.

ის ყოველთვის ცდილობდა, რომ ჩვენ კარგად აღზრდილი, განათლებული და ზრდილობიანი ბავშვები ვყოფილიყავით. ის ზომიერად მკაცრიც იყო და ამაღვრულოდ ძალიან თბილი და შეგობრულიც, და ის ცოდნა, რომელიც ჩვენ შევიძინეთ, მართლაც მისი დამსახურებაა. ის ყველა კარგი თვისება, რომელიც გაგვანჩია, მან ჩამოგვყალიბა წლების განმავლობაში.

ყველა ბავშვი მაღლიერი უნდა იყოს თავისი მასწავლებლის, რადგან მასწავლებელს მოსწავლისთვის ყოველთვის სიკეთე უნდა.

იმედო მაქვს, რომ ნინო მასწავლებელი კიდევ ბევრ ლამაზ, განათლებულ და ზრდილობიან თაობას აღზრდის მომავალში.

ახლა კი მინდა შემთხვევით ვისარგებლო და ჩვენს მასწავლებელს ჩვენი კლასის სახელით თავისავით ლამაზი გაზაფხულის დღესასწაული მივულოცო — ნინო მასწავლებლო, გისურვებთ ჯანმრთელობას და ბედნიერებას.

თამუნა ქუშაშვილი

გიმნაზიის V კლასის მოსწავლე



ჩვენც დავაზრდებით

დაბა სტეფანწმინდის უხუცესი მანდილოსანი თამარ ლუღუშაური მოვინახელე. მასთან საუბარში კიდევ უფრო დავრწმუნდი თუ როგორი პატივი უნდა ვცეთ უფროს თაობას. მათ წლები აწვეთ მხრებზე, მეტნაკლებად განვლილი აქვთ ცხოვრების გზა, რომელსაც დაფასება უნდა.

ეს ჩემი ბებოს დარიგებიდანაც მუდამ მახსოვს. დღევანდელი ახალგაზრდები ვერ აცნობიერებთ, როგორი პატივი უნდა სცეთ წარსულსო. მართლაც, რომ ვაკვირდები, ახალ თაობას არა აქვთ უფროსებისადმი პატივისცემის გრძნობა, მით უმეტეს, თუ იციან, რომ ის საბჭოთა პერიოდში ამა თუ იმ თანამდებობაზე მუშაობდა.

დავინტერესდი ქალბატონი თამარის ბიოგრაფიით. ის 1931 წელს დაიბადა, პროფესიით ისტორიკოსია. ინსტიტუტის დამთავრების შემდეგ მუშაობა დაიწყო რაიონულ აღმასკომში ინსტრუქტორის თანამდებობაზე, შემდეგ განყოფილების გამგედ, ბოლოს რაიკომის მდივანი იყო. მიღებული აქვს ჯილდოები, მედლები, სიგელები. საუბარში ქალბატონმა თამარმა აღნიშნა, რომ ადრე ხელმძღვანელობა ყოველთვის ეხმარებოდა გაჭირვებულებს, დღეს კი ჩემნაირი მოხუცები მიავეწყვიათო.

თავისი ცხოვრების განმავლობაში მუდამ ძმებსა და ძმისშვილებს ეღა გვერდში. ყველას ასწავლა და გზაზე დააყენა. სამეზობლოშიც ყველას მიმხედავი და დამხმარე იყო, სანამ შეეძლო. რაიონში მისაბადი იყო თავისი დაუღალავი შრომით.

არ გიცნობდით თამარა დეიდა, მაგრამ რამდენიმე სიტყვაც საკმარისი აღმოჩნდა, რომ პატივისცემით განვმსჭვალულიყავით თქვენდამი და ყველა იმ ადამიანის მიმართ, ვისაც ცხოვრების ტვირთი აწევს მხრებზე, თმები გასჭალარავენია. საუბარში ისიც აღნიშნეთ, რომ მართალია, საბჭოთა წყობის დროს რელიგია იკრძალებოდა, მაგრამ ჩემთვის ეს იყო მხოლოდ სიტყვით, სინამდვილეში კი სალოცავში დამე მივედიო, ხშირად ფეხშიშველა და ვლოცულობდი. ხევი შედარებით დაცული იყო ათეისტური სწავლებისაგან. დღეს ნამდვილად გაჩეიცილი სულიერ კმაყოფილებას და თქვენი გაზეთის საშუალებით მინდა მაღლობა გადავუხადო არქიმანდრიტ ნიკოლოზს (დლონტს), რომელმაც მომნათლა და ხშირად სახლში მაკითხავს, რომ მაზიაროს.

მე კი კიდევ ერთხელ მინდა გავიმეორო, რომ ადამიანი ასაკოვანია? ჩვენც ზომ მოვხუცდებით. აღარ ვიქნებით მიმზიდველნი, შეიძლება აზროვნებაც დაგვერდვას. მერე რა, ზომ ვიყავით, ზოდა ჩემო თანატოლებო, ეცით პატივი უფროსებს, ნუ დაგეზარებათ მათთვის საქმის გაკეთება. შეაშველეთ ხელი ადამიანს, რომელსაც სახე დანაოჭებია და ხელები შრომით გაუხეშებია.

წარსულს პატივი ვცეთ. უფროსებს მოვეფეროთ ისე, როგორ მაგალითსაც ისინი იძლევიან.

ბოლოს კი, ქალბატონო თამარ, თქვენთან ერთად დედის დღე და ლამაზი გაზაფხულის დღეები მინდა მივულოცო თმაჭალარა ქალბატონებს, როგორც ხევში, ასევე მთელ საქართველოში

თეა ალიბეგაშვილი

გიმნაზიის XI კლ. მოსწავლე


განთიადი ჩემს სოფელში

განთიადი ჩემს სოფელში ძალიან ლამაზია, როდესაც მზე თავის სხივებს ამოაჭყეტს ყველაფერს გაანათებს.

მოკრიალებული ღურჯი ცა ძალიან ლამაზია. წვიმის დროს ბალახზე მარგალიტის მძივებით მოფენება ნამი მთელ მდამოებში და განთიადის სიხვი ჯადოსნურად ააციმციმებს მათ. ნელ-ნელა ამოიწვევრება მზე. პირველად მყინვარი გაიღვიძებს, შემდეგ სამებას მოეფინება მზე. პირველად მყინვარი გაიღვიძებს, შემდეგ სამებას მოეფინება მზე. აჭიკჭიკლებიან ფრინველები და გაიღვიძებს ჩემი ყაზბეგი.

ანა კახალიკაშვილი

გიმნაზიის V კლასის მოსწავლე



დედას

მე კვლავ ჩაგხედავ უღრმეს თვალებში
ყველაზე მეტად მე მათი მჯერა,
რადგან ქარიან თოვლის ნამქერში
ციცქნა ყვავილიც უშუალოდ კვდება.

შეუცვლელია ის სითბო განცდა,
რომელსაც მუდამ მე ვიღებ შენგან,
შეუცვლელია შენი სახელიც
რომელსაც გულის საკანში ვკეტავ.

დაწრეტილ იმედს შენი თვალები
კვლავ ძველებურად მივსებენ თითქოს,
შენ ხარ ნუგეში მარადუამს ჩემი,
შენგანვე მოდის უშურტი სითბო.

გულისფანცქალით ვეძებ შენს თვალებს,
შენი ღიმილი მზესავეთ მათობს,
აწრდილად დამდეგს თან შენი სახე,
მომენატრები და სევდა მათობს.

მიყვარხარ! — თქმაც კი ვერ გაგიბედე.
ჩემს გამო ბევრჯერ დაღვრილხარ ცრემლად,
მე კი სიტყვებიც ვერ გაგიმეტე.
მაგრამ მიყვარხარ ყველაზე მეტად!

ზატა გელაძე

სიკეთე უსასრულოა (კონკურსისათვის)



რა არის სიკეთე? სად იწყება და
მთავრდება ის?

რაც ადამიანი არსებობს, სიკეთე
და ბოროტებაც არსებობს, თანაც
გვერდიგვერდ. მაგრამ ბოროტება
ისე ხმაურობს, ხანდახან ფიქრობ,
ქვეყნად მარტო ის არისო. არადა,
სინამდვილეში, სამყაროს ჩუმი სიკე-
თე მართავს. მერე რა, რომ ხშირად
შეუმჩნეველი რჩება... ყველა ადამიანშია
სიკეთისა და ბოროტების
მარცვლი, მთავარი ისაა, რომელს
მისცემ გაღვივების უფლებას. იყო
კეთილი — უდიდესი მეცნიერებაა.
ადამიანებს სიმდაბლე, სიკეთე და
სიყვარული გადაგვარჩენს. სიკეთის
კეთებას სიბრძნეც სჭირდება. კეთი-
ლი მარტო ის კი არ არის, ვინც
სიკეთეს აკეთებს, არამედ — ვისაც
ბოროტების ქმნა არ შეუძლია. ვისაც
შენზე მცირე სახსარი აქვს, მას რომ
დაეხმარები, ასეთი სიკეთე ღვთის
წინაშეა შეწირული.

სიკეთე უსასრულოა, როგორც
კაშკაშა მზე და მისი სხივები. მას საზ-
ღვარი არ აქვს. იგი ღვთისაგან ნაბოძები
ნიჭი და მადლია. მხოლოდ
სიკეთით შეიძლება სვლა ყოვლისშემძლე
მწვერვალისკენ. სიკეთე სი-
ყვარულია, უფლის და ადამიანის
კავშირი სიყვარულით ხორციელდება,
მხოლოდ წრფელი გრძნობით შეიძლება
ღმერთთან დაახლოება.

სიკეთე თავად სიცოცხლეა, ვისაც
სიკეთის თესვა არ შეუძლია, მის
სიცოცხლეს აზრი არ აქვს. ადამიანი
მაშინაა ძლიერი, როდესაც ღმერთი
სწამს, ღმერთი აძლევს ადამიანს
სიკეთის კეთების ნიჭს. ვაკეთოთ
სიკეთე ჩუმი და ნუ დაგვითვით, ნურც
სამაგიეროს დაგელოდებით.

დიდი სიკეთის ყველაზე კარგი მაგალითი
დღეს გვაქვს ჩვენ თვალწინ.
წმიდა ილია მართლის სახელობის
გიმნაზიის რექტორის, მეუფე
იეგუდიელის დაუღალავი შრომისა და
უდიდესი სიკეთის გამოვლინებაა
გიმნაზიის დღევანდელი სახით ჩამოყალიბება.
აქ სწავლა და ცხოვრე-
ბა უდიდესი სიახლოვებაა და რაც
ყველაზე დასაფასებელია, ჩვენ თავს
ოჯახურ გარემოში გვგრძნობთ. მეუფე
მაქსიმუმს აკეთებს ჩვენი როგორც
ფიზიკური, ასევე სულიერი განვითარებისათვის.
ის ჩვენითვის „სიკეთის
უსასრულობის“ საუკეთესო მაგალითია.
ჩემი აზრით, უფროსი კლასის
მოსწავლეებმა, უმცროსებს, რომელთაც
ჯერ კიდევ არა აქვთ გააზრე-
ბული ზრუნვის ეს საუკეთესო მაგალითი,
უნდა დაეანახონ სიკეთის უს-
ასრულობა და მივბადოთ მას და ჩვენს
სულიერ მამებს.

ნატო წიკლაური
გიმნაზიის X კლასის მოსწავლე

45-ე გაზაფხული ცათა სასუფეველში



ვაზბეგის რაიონმა, სტეფანწმინდისა და
ხევის ეპარქიამ და წმიდა ილია მართლის
სახელობის გიმნაზია-პანსიონის პედოლო-
ქტივმა და მოსწავლეებმა აუნაზღაურებე-
ლი დანაკლისი განიცადეს. გარდაიცვალა
გიმნაზიის ისტორიის მასწავლებელი მაია
(მარეხ) ვალიშვილი.

იგი დაიბადა 1969 წლის 6 ივნისს.
დაამთავრა სტეფანწმინდის საშუალო
სკოლა. სწავლა განაგრძო თბილისის ივანე
ჯავახიშვილის სახელობის სახელმწიფო
უნივერსიტეტში ისტორიის ფაკულტეტზე.

1999 წელს წმ. ილია მართლის სახე-
ლობის გიმნაზიის დაარსებისთანავე მუშაობა დაიწყო
ისტორიის მასწავ-
ლებლად და უნდა ითქვას, რომ ყველა იმ გაჭირვებასა და
სიდუხჭირემ, რომელსაც განიცდიდა გიმნაზია-პანსიონი
დაარსების პირველ ეტაპზე, გიმნაზიის პედოლოგქტივთან ერთად
ქალბატონმა მარეხმა უშურველი ნებისყოფითა და
შემატებით გადაიტანა. გამოირჩეოდა განსაკუთრებ-
ული სულიერებით. წლების განმავლობაში იყო
ვაზბეგის მთავარანგე-
ლოზ მიქაელის სახელობის ეკლესიის მედავითნე და
მგალობელი. სადაც კი მუშაობდა ნათელ კვალს
ტოვებდა. დაკისრებულ მოვალეობისადმი
უდიდესი პასუხისმგებლობითა და კომპეტენტურობით
გამოირჩეოდა.

ვინც კი მაია (მარეხ) ვალიშვილს იცნობდა,
ყველა დამეთანხმება, რომ იგი იყო უდალბატო,
უაღრესად კეთილშობილი და ნათელი პიროვნე-
ბა. ერთგულად იცოდა ადამიანის გვერდით დგომა,
მისთვის ადამიანთა დახმარება ჩვეულებრივი
მოთხოვნილება იყო და ყოველივე ამას უნაგა-
როდ აკეთებდა. უფალმა ნათელში ამყოფოს
მისი სული, სადაცა მარ-
თალნი განისვენებენ.


წმ. ილია მართლის სახელობის გიმნაზია-პანსიონის
სრული შემადგენლობა.

სიკეთე უსასრულოა



ნახატი მარიამ სუჯაშვილის (კონკურსისთვის)

ფოტოკონკურსისათვის



კაკასიური ნაგაზი
ფოტო ლევან კობიაშვილის



გვირგვინოსანი მყინვარი
ფოტო ზურა ბაქრაძის

რედაქტორი მანონი გომიკაშვილი	სარედაქციო პოლუგია: არამიანდრიტი ნიკოლოზ ლლონტი, ციციშვილი ლუდუგაშვილი, ნინო თურქიაშვილი, ნატო ჟივლაური, უჩა ხუციშვილი.	მის. სტუფანწმინდის ფ. ილია მართლის სახ. გიმნაზია- პანსიონი
---------------------------------	--	---